

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u skladu sa članom 18. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona, na 113. sjednici, održanoj dana 13.07.2021. godine,
d o n o s i

ZAKLJUČAK

I.

Prihvata se Izvještaj o radu Upravnog odbora Agencije za privatizaciju Zeničko-dobojskog kantona za 2020. godinu.

II.

Izvještaj iz tačke I. sastavni je dio ovog zaključka.

III.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21
Datum, 13.07.2021. godine
Zenica

DOSTAVLJENO:

1x Agencija za privatizaciju Zeničko-dobojskog kantona,
1x Ministarstvo za privredu,
1x Upravni odbor Agencije za privatizaciju Zeničko-dobojskog kantona,
1x a/a

Na osnovu člana 18. Statuta Agencije za privatizaciju Zeničko-dobojskog kantona („Sl. novine Zeničko-dobojskog kantona“, broj: 9/99), nakon razmatranja prijedloga teksta Izvještaja o radu Upravnog odbora Agencije za privatizaciju Zeničko-dobojskog kantona za 2020. godinu, Upravni odbor Agencije za privatizaciju Zeničko-dobojskog kantona na 19. sjednici održanoj dana, 23.03.2021. godine, donio je

ZAKLJUČAK

o utvrđivanju Izvještaja o radu Upravnog odbora
Agencije za privatizaciju Zeničko-dobojskog kantona za 2020. godinu

I

Utvrdjuje se Izvještaj o radu Upravnog odbora Agencije za privatizaciju Zeničko-dobojskog kantona za 2020. godinu, u tekstu, koji čini sastavni dio ovog Zaključka.

II

Izvještaj iz stava I ovog Zaključka dostavit će se Vladi Zeničko-dobojskog kantona na razmatranje.


III

Zaključak stupa na snagu danom donošenja a za realizaciju istog zadužuje se direktor Agencije za privatizaciju Zeničko-dobojskog kantona.

Broj: 15-01-71/21
Zenica; 23.03.2021. godine



Predsjednica Upravnog odbora
Agencije za privatizaciju
Zeničko-dobojskog kantona


Jasminka Biogradlija

UPRAVNI ODBOR
Agencije za privatizaciju
Zeničko-dobojskog kantona

IZVJEŠTAJ O RADU

UPRAVNOG ODBORA AGENCIJE ZA PRIVATIZACIJU
ZENIČKO-DOBOJSKOG KANTONA ZA 2020. GODINU

mart/ožujak 2021. godine



SADRŽAJ

1. Uvod	3
2. Izvršenje programskih ciljeva Agencije	4
3. Normativni dio	4, 5
4. Studijsko-analitički dio	6
5. Ostali poslovi i zadaci	6
6. Rezime	7



I – UVOD

Odredbama člana 10. stav 1. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17), je propisano da Agencijom za privatizaciju Zeničko-dobojskog kantona upravlja Upravni odbor.

Prema članu 13. navedenog Zakona, Upravni odbor Agencije za privatizaciju Zeničko-dobojskog kantona (u daljem tekstu: Upravni odbor Agencije), donosi Statut i druge opće akte, Poslovnik o radu, akta o unutarnjem ustrojstvu Agencije, finansijski plan i program, razmatra i usvaja završni račun i izvještaj o radu Agencije, odobrava početni bilans i program privatizacije preduzeća, donosi metodologiju i druga opća akta iz nadležnosti Agencije suglasno zakonu, osniva komisije i radna tijela Agencije, te obavlja i druge poslove suglasno zakonu i statutu Agencije.

Prema članu 13. stav 2. Zakona o Agenciji za privatizaciju Zeničko-dobojskog kantona, statut, akta o unutarnjem ustrojstvu Agencije, finansijski plan i program, donose se uz suglasnost Vlade.

Temeljem odredbi člana 14. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, broj: 9/99), propisane su nadležnosti Upravnog odbora Agencije, koji u odnosu na nadležnosti propisane Zakonom o Agenciji za privatizaciju Zeničko-dobojskog kantona, između ostalog propisuju, da Upravni odbor Agencije donosi Pravilnik o plaćama i drugim primanjima radnika, te odluku o naknadama za rad i angažman članova organa Agencije, koji akti se donose uz suglasnost Vlade Zeničko-dobojskog kantona, shodno stavu 2. navedenog člana Statuta Agencije za privatizaciju Zeničko-dobojskog kantona.

Upravni odbor Agencije za privatizaciju Zeničko-dobojskog kantona, imenuje Vlada Zeničko-dobojskog kantona, i za svoj rad je odgovoran Vladi Kantona.

Rješenjem Vlade Zeničko-dobojskog kantona o konačnom imenovanju Upravnog odbora Agencije, broj: 02-34-9565/19 od 06.06.2019. godine, imenovan je saziv Upravnog odbora Agencije na period od dvije godine, u sastavu:

1. Jasminka Biogradlija, predsjednica,
2. Ivo Majstorović, član i
3. Edina Alić, član.

Prethodno je, Rješenjem Vlade Zeničko-dobojskog kantona, broj: 02-34-4850/19 od 25.03.2019. godine, na kraći period, odnosno do konačnog imenovanja, funkciju predsjednika Upravnog odbora Agencije obnašao Dragan Brković, a članovi su bili Jasminka Biogradlija i Ivo Majstorović. Imenovani su bili i u prethodnom sazivu Upravnog odbora Agencije, na navedenim funkcijama, sukladno Rješenju Vlade Zeničko-dobojskog kantona, broj: 02-34-1454/17 od 01.02.2017. godine i broj: 02-34-9289/17 od 22.06.2017. godine.

Konstituirajuću sjednicu, Upravni odbor Agencije je održao dana 18.07.2019. godine.

U toku 2020. godine, Upravni odbor Agencije održao je deset (10) redovnih sjednica, u okviru kojih je razmatrao ukupno 45. tačaka dnevnog reda, te donio devetnaest (19) zaključaka, jednu odluku i jedan pravilnik.

Upravni odbor Agencije tokom prošle godine, kada je na snazi bila Odluka Vlade Federacije Bosne i Hercegovine o proglašenju stanja nesreće uzrokovane pojavom koronoavirusa, broj: 408/20 od 16.03.2020. godine, pa do donošenja Odluke o proglašenju prestanka istog, koja je stupila na snagu 29.05.2020. godine, nije održao dvije redovne sjednice u mjesecu aprilu i maju.

Svi zaključci i odluke, koji su doneseni na sjednicama Upravnog odbora, su usvojeni jednoglasno.

II - IZVRŠENJE PROGRAMSKIH CILJEVA AGENCIJE

Osnovni ciljevi Agencije za privatizaciju Zeničko-dobojskog kantona (u daljem tekstu: Agencija), definirani su Programom rada Agencije za 2020. godinu, i isti predstavljaju nastavak aktivnosti iz ranijeg perioda, odnosno nastavak aktivnosti iz 2019. godine.

Upravni odbor Agencije je vršeci svoja ovlaštenja, istrajavao na što uspješnijem ostvarenju ciljeva i zadataka sadržanih u Programu rada Agencije za 2020. godinu.

2.1. Privatizacija

U toku 2020. godine, objavljen su tri javna poziva za prodaju putem aukcije i neposredne pogodbe, predmeta u maloj privatizaciji u vlasništvu prodavca TP „Nova trgovina“ d.d. Žepče i „Natron“ dd Maglaj. Uspješno je okončan Javni poziv broj: 65, koji je za predmet kupoprodaje imao nekretninu-poslovni prostor u vlasništvu preduzeća TP „Nova trgovina“, koji se nalazi u Donjoj Lovnici, Općina Zavidovići.

U protekloj godini, nije došlo do prodaje predmeta iz veterinarske i komunalne djelatnosti, kao ni predmeta iz velike privatizacije, iz razloga, koji se ponavljaju iz prethodne 2019. godine.

2.2. Kontrola obaveza iz kupoprodajnih ugovora

U registru aktivnih kupoprodajnih ugovora Agencije iz velike privatizacije, evidentan je Ugovor o kupoprodaji predmeta tendera T-32-01 preduzeća „Velepromet-Zenica“ dd Zenica, čija je kontrola obustavljena tokom 2018. godine, zbog sprovođenja istražnih radnji od strane Kantonalnog tužilaštva Zeničko-dobojskog kantona, koje su se vodile protiv odgovornog lica u pravnom licu, koji je kupac po navedenom ugovoru, zbog sumnji da je počinio krivično djelo, koje se dovodi u vezu sa izvršenim ulaganjima u preduzeće-društvo „Velepromet-Zenica“ dd Zenica u periodu realizacije predmetnog Ugovora. Krivična istraga je okončana dana 16.12.2020. godine, kada je podignuta optužnica, koju je Kantonalni sud u Zenici, koncem prošle godine potvrdio.

III - NORMATIVNI DIO

3.1. Upravni odbor Agencije je utvrdio prijedlog korigovanog Finansijskog plana Agencije za 2020. godinu, Zaključkom broj: 15-01-51/20 od 20.10.2020. godine, na koji je Vlada Zeničko-dobojskog kantona dala saglasnost, Zaključkom, broj: 02-11-17489/20 od 30.10.2020. godine.

Prethodno je Zaključkom Vlade Zeničko-dobojskog kantona, broj: 02-11-16769/20 od 14.10.2020. godine, Upravnom odboru Agencije kao obrađivaču vraćen na doradu Finansijski plan Agencije za 2020. godinu, s nalogom da se sačini korigovani finansijski plan u kojem neće biti predviđena uvećanja finansijskih izdataka po bilo kojem osnovu, naročito u dijelu predviđenih izdataka za rad upravnog i nadzornog odbora a koji su se ticali, povećanja

naknade za rad Nadzornog odbora i pokrića troškova prisustva sjednicama članovima, koji imaju prebivalište van Zenice.

Programiran propis: da.

3.2. Upravni odbor Agencije je donio Pravilnik o izmjenama i dopunama Pravilnika o radu Agencije za privatizaciju Zeničko-dobojskog kantona, broj: 15-01-38/20 od 23.06.2020. godine, kojim se između ostalog reguliše disciplinska odgovornost radnika Agencije.

Programiran propis: ne

Razlog donošenja: Na prijedlog Tima Vlade Zeničko-dobojskog kantona za borbu protiv korupcije, Vlada Zeničko-dobojskog kantona donijela je Zaključak broj: 02-02-17280/19 od 22.11.2019. godine, kojim se usvaja Analiza propisa koji regulišu pitanje disciplinske odgovornosti u institucijama Zeničko-dobojskog kantona sa datim preporukama.

Napominje se da su u skladu sa navednim Zaključkom, zaduženi svi rukovodioci institucija Zeničko-dobojskog kantona, pa tako i odgovorna osoba Agencije, da u roku od šest mjeseci sa ciljem prevencije korupcije u pravilnicima, koji regulišu disciplinsku odgovornost zaposlenih, izričito propišu da su povrede službene dužnosti, odnosno povrede radne obaveze zaposlenika, radnje koje predstavljaju povredu službene dužnosti – „kršenje pravila radne discipline“, a koje su, kao zabranjene, propisane u Etičkom kodeksu za državne službenike u Federaciji Bosne i Hercegovine („Sl. novine Federacije BiH“, broj: 27/14), koje su taksativno navedene u članu II navedenog Zaključka.

Što se tiče Agencije, treba napomenuti da je Tim Vlade za borbu protiv korupciju izvršio analizu postojećeg Pravilnika o radu Agencije, koji odredbama članova od 29. do 49., se utvrđuju povrede prava iz radnog odnosa, vrste povreda, postupak za utvrđivanje povrede iz radnog odnosa, organi za pokretanje i vođenje postupka, mjere koje se primjenjuju prema zaposlenicima zbog povrede radne obaveze, materijalna odgovornost zaposlenika i sl.

3.3. Valja reći, da je prethodni saziv Upravnog odbora Agencije usvojio prijedlog Pravilnika o plaćama i naknadama radnika Agencije, Zaključkom broj: 15-01-58/18 od 16.07.2018. godine, koji je uz pribavljeno mišljenje nadležnog Sekretarijata za zakonodavstvo, Ministarstva finansija i Ministarstva za pravosuđe i upravu, bio dostavljen Vladi Zeničko-dobojskog kantona na davanje saglasnosti.

Pravilnik je uz obavijest Premijera Kantona, broj: 02-02-9454-2/19 od 25.04.2019. godine vraćen na doradu, za dodatna obrazloženja i usaglašavanje sa Finansijskim planom, nakon čega je Upravni odbor Agencije donio Zaključak, broj: 15-01-98/19 od 13.05.2019. godine, kojim povlači raniji Zaključak broj: 15-01-58/18 i nalaže Agenciji da za jednu od narednih sjednica pripremi dopunu obrazloženja i usaglašavanje istog sa Finansijskim planom.

Upravni odbor Agencije tokom prošle godine, prilikom izrade prijedloga Finansijskog plana Agencije za 2020. godinu, usaglasio je isti sa izdacima za plaće i naknade po predmetnom prijedlogu Pravilnika u razlici od cca 5.000,00 KM u odnosu na postojeći, Zaključkom broj: 15-01-35/20 od 12.03.2020. godine, kojim je potvrdio ranije doneseni prijedlog Zaključka o usvajanju Pravilnika o plaćama i naknadama radnika Agencije, broj: 15-01-58/18 od 16.07.2018. godine i usvojio dopunu obrazloženja uz isti, datu u skladu sa navedenim obavještenjem Premijera Zeničko-dobojskog kantona od 25.04.2019. godine.

Kako je zbog situacije izazavane dobrim dijelom zbog pandemije, nastale pojavom koronavirusa (covid-19), došlo do korekcije Finansijskog plana Agencije za prošlu godinu, u kojem su izostala povećanja zbog usaglašavanja predmetnog Pravilnika o plaćama i naknadama radnika Agencije, Upravni odbor smatra da treba nastaviti aktivnosti na donošenju

istog za radnike Agencije, u skladu sa odredbama aktuelnog Zakona o radu, koji se primjenjuje počev od 14.04.2016. godine. Postojeći Pravilnik o plaćama i naknadama zaposlenika Agencije je u primjeni od 22.07.2009. godine, kada je Vlada Zeničko-dobojskog kantona na isti dala saglasnost Zaključkom, broj: 02-34-20040/09.

Programiran propis: ne

Razlog donošenja: prijedlog Pravilnika o plaćama i naknadama radnika Agencije se donosi u skladu sa Zakonom o radu („Sl. novine Federacije BiH“, broj: 26/16 i 89/18).

IV – STUDIJSKO-ANALITIČKI DIO

4.1. Upravni odbor Agencije je Zaključkom, broj: 15-01-26/20 od 21.02.2020. godine, usvojio Izvještaj o radu i poslovanju, toku i rezultatima procesa privatizacije Agencije za 2019. godinu, na koji je Vlada Zeničko-dobojskog kantona dala saglasnost, Zaključkom, broj: 02-02-3510/20 od 03.03.2020. godine.

Programiran propis: da.

4.2. Upravni odbor Agencije je Zaključkom, broj: 15-01-33/20 od 12.03.2020. godine, utvrdio prijedlog Programa rada Agencije za 2020. godinu, na koji je Vlada Kantona dala saglasnost, Zaključkom, broj: 02-30-5806/20 od 23.04.2020. godine.

Programiran propis: da.

4.3. Upravni odbor Agencije je Zaključkom, broj: 15-01-34/20 od 12.03.2020. godine, utvrdio Izvještaj o radu Upravnog odbora Agencije za 2019. godinu, koji je Vlada Kantona prihvatila Zaključkom, broj: 02-30-5805/20 od 23.04.2020. godine.

Programiran propis: da.

V – OSTALI POSLOVI I ZADACI

5.1. Upravni odbor Agencije, u skladu sa nadležnostima propisanim zakonom i statutom, temeljem Zakona o računovodstvu i reviziji u Federaciji Bosne i Hercegovine, je Odlukom broj: 15-01-27/20 od 21.02.2020. godine, usvojio Godišnji finansijski izvještaj Agencije za 2020. godinu. Predmetni izvještaj je dostavljen na uvid i dalje postupanje Finansijsko-informatičkoj agenciji, Poslovna jedinica Zenica i Ministarstvu finansija Zeničko-dobojskog kantona.

5.2. Upravni odbor Agencije je Zaključkom broj 15-01-25/20 od 21.02.2020. godine, odbio zahtjev TUD „Trgomarket“ doo Zenica (broj: 38/20 od 10.02.2020g.), kojim se traži izdavanje uvjerenja o izvršenim obavezama po Ugovoru o kupoprodaji predmeta tendera T-32-01 preduzeća „Velepromet-Zenica“ dd Zenica, do okončanja istražnog postupka, koji se vodi kod Kantonalnog tužilaštva Zeničko-dobojskog kantona u predmetu pod brojem: T04 0 KTK 0028979 18, protiv lica M.A., direktora i vlasnika TUD „Trgomarket“ doo Zenica, osumnjičenog za nezakonite radnje koje se dovode vezu sa izvršenim ulaganjima u preduzeće „Velepromet-Zenica“ dd Zenica. Temeljem navedenog zaključka, direktor Agencije je u predmetnoj stvari, donio upravni akt, kojim se odlučuje o zahtjevu podnosioca TUD „Trgomarket“ doo Zenica.

5.3. Zaključkom, broj: 15-01-41/20 od 24.07.2020. godine, Upravni odbor Agencije je usvojio Izvještaj o izvršenju Finansijskog plana Agencije za period januar-juni 2020. godine.

5.4. Upravni odbor Agencije je Zaključkom broj 15-01-36/20 od 23.06.2020. godine, usvojio Izvještaj o provedenom postupku po Javnom pozivu broj: 65. za učešće na aukcijskoj prodaji predmeta u maloj privatizaciji.

5.5. Zaključkom, broj: 15-01-57/20 od 23.11.2020. godine, Upravni odbor Agencije je primio na znanje Informaciju o stanju sudskih postupaka u kojim je učesnik Agencija za privatizaciju Zeničko-dobojskog kantona.

VI – OCJENA STANJA I PROGRAMSKA ORIJENTACIJA

Rad i poslovanje Agencije za privatizaciju Zeničko-dobojskog kantona u 2020. godini, odvijali su se u skladu sa zakonskim propisima, općim aktima Agencije, stavovima Vlade Zeničko-dobojskog kantona, te zaključcima Upravnog odbora Agencije za privatizaciju Zeničko-dobojskog kantona.

Direktor Agencije se pridržavao preporuka, zaključaka i odluka Upravnog odbora Agencije.

Umanjeni i nedovoljni predmeti privatizacije sa izvjesnim zastojem u toku privtizacije, nisu posljedica rada Agencije, nego utjecaja niza faktora, počev od nepovoljnog poslovnog ambijenta, nedonošenja propisa koji bi usmjerili privatizaciju preduzeća iz javne djelatnosti, nedefinisane ponude, odnosno predmeta privatizacije i sl.

Finansijski izvještaji su istinito i objektivno prikazali finansijski položaj i rezultate Agencije za privatizaciju Zeničko-dobojskog kantona.



**Predsjednica Upravnog odbora
Agencije za privatizaciju
Zeničko-dobojskog kantona**

Jasminka Biogradlija